

FEDERALNO MINISTARSTVO KULTURE I ŠPORTA
DANI EVROPSKOG NASLIJEĐA 2023.
MLADI I NASLIJEĐE



KONKURS/NATJEČAJ ZA UČENIKE OSNOVNIH I SREDNJIH ŠKOLA
Za najbolji: LIKOVNI, LITERARNI, VIDEO, FOTOGRAFIJU I DOKUMENTARISTIČKI RAD

tema: „ŽIVA BAŠTINA“

Cilj Programa Mladi i naslijeđe:

Bit edukativnog programa za mlade u okviru manifestacije *Dani evropskog naslijeđa* jeste podstaći mlade na očuvanje, brigu i ljubav prema materijalnom i nematerijalnom kulturno-historijskom i prirodnom naslijeđu Bosne i Hercegovine. Zajednički zadatak je ukazati na potrebu kontinuirane brige o kulturno-historijskom naslijeđu, graditeljskim spomenicima u Bosni i Hercegovini, starim zanatima, vještinama i običajima koje baštinimo za budućnost.

Obrazloženje teme:

Tema ovogodišnjeg natječaja „*Živa baština*“ treba da potakne mlade na istraživanje i informiranost o kontinuitetu kulturno-historijskog nematerijalnog naslijeđa Bosne i Hercegovine. Važno je temu povezati s osobnom ulogom u očuvanju i podsticanju običaja svih naroda u Bosni i Hercegovini. Tema može istražiti osobnu ulogu u prenošenju zanatskih vještina, priča, svečanosti, zabava i proslava koje se njeguju unutar porodice i lokalnih zajednica.

Obrada teme **Živa baština** uključuje širok spektar umjetničke raznolikosti jer su izvedbene umjetnosti prepoznate kao značajan element obima nematerijalne baštine. Muzika je jedan od primjera, bilo da se radi o instrumentalnim nastupima ili pjevanju, a tradicionalno se često isprepliće s drugim izvedbenim oblicima kao što su ples ili društveni rituali i svečanosti.

Donesite dah svoje svečanosti, zabave i proslave od porodičnih, lokalnih do onih koje su globalnog karaktera. Kulinarska baština još je jedna vrsta aktivnosti koja će se vjerovatno pokazati popularnom kod mladih i nezaobilazna je u proslavama. Potražite stare recepte u arhivama ili u obiteljskim kuharicama i uključite mlade u pripremanje i kuhanje. Napravite svoju predstavu, recital, pričajte priče, snimajte svoje filmove. Jednostavno, kombinirajte umjetničke oblike. Usmena tradicija je, također, ključna kada se definiira nematerijalno naslijeđe, uključiti govorne predstave poput čitanja poezije, zagonetki ili legendarnih priča koje se prenose generacijama.

Tradicionalna gradnja kulturno-historijskih spomenika prigoda je da se istraže razni zanati u vezi s gradnjom kroz upotrebu raspoloživih materijala iz lokalne zajednice.

Demonstracije tradicionalnih zanata pokazuju drugačiju vrstu kreativnog rada. Iako su predmeti i umjetnost opipljivi, znanje i vještine uporaobljene u njihovom stvaranju, kao i njihov značaj su neraskidivo povezani s nematerijalnim učenjem i kulturom.

Raznolikost kulturnih tradicija, od uličnih predstavljanja do koncertnih dvorana, pozorišta i muzeja do moderne kinematografije i digitalne umjetnosti, živo su naslijeđe Evrope.

Posjetite najpoznatija i najznačajnija mjesta koja su oblikovala naslijeđe Bosne i Hercegovine i njenih naroda. Biblioteke čuvaju neka od vrijednih i rijetkih dijela, koncertne dvorane i pozorišta svjedoče repertoarima umjetničke i zabavne baštine, galerije o likovnim formama, muzeji nude artefakte kao i arhitektonske znamenitosti koje su pružale generacijama inspiraciju za istraživanja i posjete.

Tema je široko postavljena. Kreativnost mladih i profesionalna podrška mentora kroz slavljenje kulturno-historijskog i prirodnog naslijeđa Bosne i Hercegovine je neupitna.

Donesite priče iz vašeg kraja, smjestite u kontekst spomenika, promovirajte naslijeđe, slikajte, snimajte, igrajte, pjevajte, glumite, pokažite sportske zabave svoga kraja, natječite se i zabilježite vašu ulogu u živoj baštini!

Nosioci zadatka:

Nastavnici i profesori: historije, geografije, likovne kulture, jezika i književnosti, biologije, sporta te rukovodioci likovnih i foto, video, historijskih, literarnih, ekoloških, glazbenih ili drugih sekcija koje djeluju unutar škola.

Propozicije:

Likovni rad

Dimenzije radova ne treba da prelaze format 50 x 70 cm, za tehniku modeliranja preporučena dimenzija je visine do 20 cm, za umjetničke **fotografije** najviše: 18 x 24 cm.

Dokumentaristički i foto-dokumentaristički radovi do 10 stranica A4 formata.

Video radovi – DVD, trajanje do 5-8 minuta.

Radovi učenika moraju imati sve čitko popunjene podatke iz obrasca navedenog u prilogu* str br. 3.

Žiri kojeg će imenovati Ministarstvo, nagrađuje najuspješnije radove učenika i nastavnike.

Kategorije:

Likovna, literarna, video, fotografija, dokumentaristička, muzička.

Prva, druga i treća nagrada dodjeljuje se za tri različita uzrasta:

I do V razreda Osnovnih škola – likovni rad

VI do IX razreda Osnovnih škola – likovni rad, literarni, dokumentaristički, video, fotografija

I do IV razreda Srednjih škola - likovni rad, literarni, dokumentaristički, video, fotografija.

Diplome nagrađenim učenicima se dodjeljuju za svaku od kategorija.

Zahvalnice za učestvovanje se dodjeljuju školama.

Priznanja za rad sa učenicima – dodjeljuju se mentorima nagrađenih učenika/ca.

Nagrađeni učenici i nastavnici

U okviru mogućnosti, nagrađenim učenicima i nastavnicima, Federalno ministarstvo kulture i sporta osigurat će boravak i učestvovanje u centralnoj manifestaciji i radionicama u okviru manifestacije u mjestu održavanja u trajanju od najmanje 2 dana, kao i simbolične nagrade najboljima.

Poziv nagrađenim učenicima i nastavnicima će biti dostavljen blagovremeno.

Maksimalan broj radova: 30 radova iz jedne škole:

U svakoj školi treba imenovati komisiju koja će izabrati i poslati najviše 30 učeničkih radova iz škole.

Rok za dostavljanje učeničkih radova <u>petak, 15. 09. 2023. godine</u>
--

Adresa:

FEDERALNO MINISTARSTVO KULTURE I SPORTA

Manifestacija *Dani evropskog naslijeđa* - Konkurs „Mladi i naslijeđe 2022.“

Obala Maka Dizdara br. 2, 71000 Sarajevo

Kontakt telefon:

tel: (033) 254 165

Rezultati Konkursa/natječaja

22. 09. 2023. godine bit će objavljeni rezultati natječaja sa imenima nagrađenih učenika i nagrađenih škola, na mrežnoj platformi Ministarstva: www.fmks.gov.ba

Izložba

O terminu održavanja izložbe i dodjele diploma i zahvalnica programa *Mladi i naslijeđe*, bit ćete blagovremeno informirani.

Vaši kontakti

Obavezno dostaviti podatke na poleđini ili u prilogu učeničkih radova (ime i prezime učenika i, razred, ime i prezime nastavnika, naziv škole, mjesto, adresa i broj telefona), da bismo Vas mogli blagovremeno kontaktirati.

MLADI I NASLIJEĐE 2023. TEMA: „ŽIVA BAŠTINA“ likovni, literarni, video, fotografija i dokumentaristički radovi	
NAZIV RADA:	_____
IME I PREZIME UČENIKA:	_____
Adresa učenika i br. telefona	_____
RAZRED:	_____
IME I PREZIME NASTAVNIKA:	_____
ŠKOLA:	_____
ADRESA ŠKOLE :	_____
MJESTO:	_____
TELEFON:	_____
POTPIS ČLANOVA KOMISIJE KOJA JE ODABRALA UČENIČKI RAD:	

Datum, _____ 2023.godine	

Gore navedene podatke treba nalijepiti na poleđini rada ili dostaviti u prilogu rada.